



Publicaziuns officialas dils 28-08-2009

Damondas da baghegiar

Nr. 75/2009

Datum da publicaziun: 28-08-2009

Patrun: Paul Fry, Platta 143, 7176 Cumpadials

Object: Spazzar clavua nr. d'assec 656A sin parcella nr. 2767 a Cumpadials, Rintgenberg.

Nr. 78/2009

Datum da publicaziun: 28-08-2009

Patrun: Vischnaunca da Sumvitg, 7175 Sumvitg

Representant: Robert Bundi SA, 7173 Surrein

Object: Engrondir il baghetg economic existent nr. d'assec 413 sin parcella nr. 504 a Rabius, Igniu.

Nr. 79/2009

Datum da publicaziun: 28-08-2009

Patrun: Jacomet Erwin, 7173 Surrein

Object: Isolar la casa cun strom e far ora novas finiastras vid la casa nr. d'assec 374 sin parcella nr. 827 a Surrein, Encarden.

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 28-08-2009

Cumissiun da baghegiar Sumvitg

Referendum facultativ

La radunonza communalha dils 24 d'uost 2009 ha priu il suandont conclus:

Tractaziun ed approvaziun dil project "baghetg economic Igniu" a Rabiun e concessiun d'in credit brut da frs. 680'000 persuerter

Sura conclus ein suttoposts al referendum facultativ tenor art. 30 al. 2 dalla constituziun communalha.

Sumvitg, 28-08-2009

Suprastonza communalha Sumvitg

Reglament da traffic / carrar sin vias d'uaul

Tenor reglament da traffic dils 08-03-1999 vala per las sequentas vias communalhas permanentamein in scamond da carrar cun tuts vehichels a motor (signal 2.14):

- Spartida Cumadé entochen Val Rabiun, incl. cruna dil rempar
- Siltginas - Alp Glivers
- Clavadi - Crap Ner
- Clavadi - Con da Vitg
- Laus/Hettas - Bostg
- Laus/Hettas - Runca
- Mir Alv - Hettas
- Val Dadens - Alp Naustgel
- Bogn Tenigia - Punt Vallesa
- Punt Gronda - Alp Russein
- Runcahez - Runé
- Parcadi dadens lag Runcahez - Valtenigia
- Parcadi dadens lag Runcahez - Run
- Via veglia Curaua
- Runs - Fanels
- Plaun da Punt
- Via veglia Alp da Laus
- Punt Sulagval - Rensch
- Unclin – Cumpadials

Exepi da quei scamond ein viadis tenor art. 2 (sco p.ex. survetschs ufficials e maschinas agricolas) sco era purtaders d'ina carta da legitimaziun tenor art. 3, numnadamein:

- a) d'ina lubientscha per diever agricol
- b) d'ina lubientscha annuala
- c) d'ina lubientscha meinsila
- d) d'ina lubientscha dil di

Las lubientschas san vegnir retratgas sco entochen da cheu. Per ulteriur sclariment stat l'administarziun communalha bugen a Vossa disposiziun. La carta da legitimaziun ei da plazzar bein veseivla vid il vehichel. Quella ei buca transmissibla. Surpassaments vegnan puni tenor las determinaziuns dalla lescha da traffic.

Plinavon ha la suprastonza communalha relaschau en sia seduta dils 22-04-2002 determinaziuns executoricas davart la consegna da cartas annualas. Quellas determinaziuns passan immediatamein en vigur e san vegnir retratgas sin canzlia communalha.

Nus supplichein da risguardar las signalisaziuns e buca far surdiever dallas numnadas vias en favur da nossa flora e fauna. Bien engraziament per Vossa collaboraziun.

7175 Sumvitg, uost 2009

Suprastonza communalha Sumvitg

Scamond d'encurir bulius

Sebasond sils art. 11 e 12 dalla lescha davart la protecziun da plantas e bulius ha la Regenza dil cantun Grischun decretau restricziuns.

Ei setracta en special dil suandont:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plantas e bulius. Nus supplichein da respectar quellas disposiziuns ed engraziein per tutta capientscha.

Sumvitg, uost 2009

Suprastonza communal Sumvitg

Uniun da gimnastica da dunnas Rabius (UGDR)

Invitaziun alla radunonza generala

Gliendisdis, ils 31 d'uost 2009 allas 20.00 en l'ustria Greina, Rabius.

Da stedia participaziun selegra *la suprastonza*

Chor d'affons vischnaunca Sumvitg

Noss'emprema emprova da cant ha liug **venderdis, ils 11 da settember 2009 dallas 17.30–19.00 a Sumvitg**. Tier quell'emprema emprova ei in e scadin envidaus per saver far in fuffernadi! Suenter quell'emprema vegn informau sur da nies project per la sesiun 2009/10. Las ulteriuras emprovas da cant ein mintgamai **il venderdis dallas 17.15–18.30/18.30–19.45! (Partiu si en 2 gruppas, pigns e gronds.)** Tgi che ha interess da vegnir a cantar tier nus el chor d'affons (naven dalla 3. cl. ensi) ei supplicaus da s'annunziar **tochen gliendisdis, ils 14 da settember 2009** tier la presidenta Carla Bearth, tel. 081 943 25 52 / 079 586 70 33 ni e-mail: info@bearth.ch.

Adatg! Ils affons ch'eiin gia stai el chor e restan vinavon fideivels, ston buca pli s'annunziar. Sche in u l'auter vul bandunar nies chor, eis el obligaus d'annunziar era quei. Cun amicabels salids e sin seveser *Chor d'affons vischnaunca Sumvitg*

Uniun Samaritana Sumvitg

Igl exercezi meinsil dil settember ha liug **mardis, igl 1. da settember 2009** allas 19.55 a Rabius el local samaritan.

Fiasta dil Vitg a Cumpadials

Dumengia, ils 6 da settember 2009 envida l'Uniun da cultura e sport Cumpadials ad ina sentupada per in e scadin. Informaziuns detagliadas suondan.

Cordialmein envida *Uniun da cultura e sport Cumpadials*

Fiasta uniformaziun nova dalla societad da musica Sumvitg/Cumpadials

Sonda, ils 29 d'uoost 2009

20.00 Concert cun la societad da musica Cham.

21.30 Concert cun Acavoce da Domat.

Silsuenter stiva da caffè, bar, gril e musica da divertiment cun Los Muchos da Cham.

Dumengia, ils 30 d'uoost 2009

9.15 Survetsch divin en tenda cun collaboraziun dalla Kirchenbläsergruppe da Cham.

Silsuenter aperitiv per in e scadin sin plaz scola.

11.00 Til atras il vitg cun tut las musicas envidadas.

11.45 Plaid da beinvegni dil president dalla Societad da musica Sumvitg/Cumpadials.

Gentar per in e scadin en tenda.

12.00 Producziuns en tenda:

– Societad da musica Cham

– Societads da musica Surrein Rabijs

– Societad da musica Trun

– Societad da musica e tamburs Disentis/Mustér

– Societad da musica Medel/Lucmagn

– honoraziun veterans

– Societad da musica Sumvitg/ Cumpadials **cun presentaziun dallas monduras novas.**

18.00 ca. finiziun dalla fiasta.

Uniun Sportiva Minigolf per pign e grond

Dumengia, ils 6 da settember 2009 a Mustér

Nus serimnein allas 13.00 uras a Surrein avon baselgia. Suenten l'occurrèza grillada a Plaun da Punt (bubrondas dat ei el liug, da magliar sto mintgin procurar sez). Cordialmein envida l'uniun sportiva a stedia participaziun e selegra sin in bi di da cumpignia. Per ulteriur sclariment stat Benedicta Flepp bugen a disposiziun.

Pro Senectute: Cuors trenament dalla memoria a Mustér

Mira sut Disentis/Mustér.

Club da ballapei Trun/Rabijs

Campionadi da ballapei

Mira sut Trun.

Biblioteca Trun

Mira Sut Trun.

Biblioteca populara, Mustér

Mira sut Disentis/Mustér.